

V PRIJELAZNE I ZAVRŠNE ODREDBE

Član 36.

U postupku polaganja stručnog ispita u ustanovama predškolskog, osnovnog i srednjeg obrazovanja na području Tuzlanskog kantona, primjenjuju se odredbe Zakona o upravnom postupku Federacije Bosne i Hercegovine („Službene novine Federacije Bosne i Hercegovine“, broj 2/98 i 48/99).

Član 37.

(Priznavanje položenog stručnog ispita i nastavak stručnog osposobljavanja)

(1) Položen stručni ispit u skladu sa ranijim propisima, priznaje se kao osposobljenost za samostalno obavljanje poslova odgoja i obrazovanja, ukoliko profil i stručna sprema po kojoj je položen stručni ispit odgovara profilu i stručnoj spremi, po važećem nastavnom planu i programu.

(2) Postupci za utvrđivanje osposobljenosti za samostalan obrazovno-odgojni rad, započeti po odredbama Uredbe o polaganju stručnog ispita u ustanovama osnovnog i srednjeg obrazovanja na području Tuzlanskog kantona („Službene novine TK“ broj 9/12 i 14/12) okončat će se po odredbama te uredbe ili ako je to povoljnije za kandidata, po odredbama ove uredbe.

Član 38.

(Oslobađanje od obaveze polaganja stručnog ispita)

Smatra se da lice koje je na dan stupanja na snagu ove uredbe zatečeno na poslovima odgoja i obrazovanja, a koje je prema ranijim propisima oslobođeno od obaveze polaganja stručnog ispita, kao i lice kojem je zakonom utvrđena obaveza doškoloavanja, osposobljeno je za samostalan odgojnoobrazovni rad.

Član 39.

(Priznavanje stručne osposobljenosti)

(1) Licu koje je na dan stupanja na snagu ove uredbe zatečeno na poslovima odgajatelja, nastavnika ili pedagoga odgojno-obrazovne ustanove i ima 20 i više godina radnog iskustva na poslovima odgoja i obrazovanja priznaje se osposobljenost za samostalan odgojno-obrazovni rad.

(2) O priznavanju stručne osposobljenosti, lice iz stava (1) ovog člana dužno je pribaviti rješenje Ministarstva, u roku od 6 mjeseci od dana stupanja na snagu ove uredbe, ukoliko takvo rješenje nije pribavilo po ranijim propisima.

(3) Licu kojem je izdato rješenje o priznavanju stručnog ispita pripadaju sva prava kao i licu sa položenim stručnim ispitom.

Član 40.

Stupanjem na snagu ove uredbe prestaje da važi Uredba o polaganju stručnog ispita u ustanovama osnovnog i srednjeg obrazovanja na području Tuzlanskog kantona („Službene novine TK“ broj 9/12 i 14/12).

Član 41.

Ova uredba stupa na snagu danom objavljivanja u „Službenim novinama Tuzlanskog kantona“
